

Äöpeningsweurdje

Leif luuj,

Veur uch ligk de nuutsbreif van april. De lente is weier begoosj, de zomer sjteit veur de deur en ouch 't waer wurt ummer sjooner. Waarsjienlik gaeve de Vlemkes bènnekort weier vollop 'Acte de Présence' op 't terras in Zitterd. Mer niet allein 't sjoone waer is get wo veer aan dènke in april dit jaor. Ouch begint in april 't jaor van Toon. Ein richtige Zitterder, eemes wo veer ès Vlemkes greutsj op zeen! Veer zulle dees nuutsbreif dan ouch beginne mit een gedichske van Toon euver de lente.

Mit de Kóplemente,

Joyce Gijsen,
Veurzitter

Óngerwerpe van dees nuutsbreif:

- * Lentekriebels
- * Audrey löp de Kennedymarsj
- * Blömkes boete zètte
- * Rubriek Modeplisse
- * Kènjerrevu
- * Sensation White Hasselt

Lentekriebels

Jao jao 't is veurjaor!

De kuukes zeen d'r weier, de lemkes höbbe plezeier en bènnekort kòmme ouch de paaseier!

't Zönke kump weier teveysjien en jederein geit d'r op oet. Ouch de Vlemkes zitte naturlik neit sjtil.

Audrey haet 't ganse hoes van ònger pès baove gepòts, Anne haet Paul op paad gesjik om 't graas te meeje en Joyce haet ge-'shop' om de veurjaorsgarderobe aan te völle. Natalie traint d'r richtig op los in de sjportsjool om in de zomer in de bikini te kènne paradeiere en Amy haet lekker gesjlök van häöre eesjte ieske! Joyce T. haet 't minder getroffe mit 't veurjaor en haet ein dikke naas van de hooikoorts ☺

De veurjaorskriebels hange dus ouch bie os flink in de lóch en jederein haet ein goud humeur. Höb geer 't veurjaorsgevuil nog neit zo in de kop? Dan brèngk 't vólgende riemke van Toon Hermans hie wellich verangering in!



Lente

*het ene is nog mooier dan het andere
de appelboom – de perelaar
en zienderogen staan ze te veranderen
ik sta erbij en kijk er naar*

*'k heb er geen hand voor uit hoeven te steken
mijn hand is trouwens daarvoor véél te klein
maar ik raak op al dit moois niet uitgekeken
staat dit er allemaal voor òns, zou dat zo zijn?*

*nu hier de witte bloesems uit de takken breken
nu is de verre hemel even héél dichtbij
en wat ik zie, dat kan ik niet in woorden spreken
er gaat vandaag gewoon een wonder door de wei*

Toon Hermans

Door: Lotte



Audrey löp de Kennedymarsj

Paosjzaoterdig 3 april is 't weier zo wiet de 47^e Kennedymarsj wurte geloupe. 't Is ech waar, Audrey, 't kleinste Vlemke van òs alleney is ouch dit jaor van de pertiej.

Ich gaon dit jaor veur de driede maal de Kennedymarsj loupe. Natuurlik is d'r ein gouw veurbereijing neudig om 't die 80 kilemaeter vol te hauwte... Waeke van oefene oppe Wii, maetesj maake in de sjtad (ofsjoon dat mee oetlöp op winkele), niet mit de waage mèr te vout gans nao de bekker in 't Lömmericherveldj. (Veur ein gebèkske...) De outfit hingk al vaerdig en de vuitjes waere geteep. Vol vertrouwe door dees gouw veurbereijing haop ich ouch dees 80 kilemaeter oet te kenne loupe. En aangezeen 't dan de drijde maal zal zeen lik d'r aan de finisj ein medaaje te wachte...

Vanzelfsjpraekend zal ich uch van deeze dag oppe heugde hauwte en zal ich versjlaag oetbrenge in de volgende nuutsbreif. Ich num aan dat g'r 't mich niet klaolik nump es ich dat mit de paosjdaag doon, lekker mit de vuitjes hoog oppe bank.

Door: Audrey



Blömkes boete zètte

“ ’T kriebelt, ’t wiebelt, ich razel dazel wazel op mien bein!”


De lente is de tied om de blömkes boete te zètte. Oppe sjoel doon ich dit jeder jaor door mit de kènjer te kalle euver de lentekriebels: leiver verleif of toch neit? Wie bèn ich gebaore? Seks, wat is dat? En nog mee, en nog mee en nog vööl mee! Al die gesjprekke euver die kriebels gaeve mich ouch ein bietje de kriebels. Es de eesjte zonnestraole versjiene doon ich d’r dan ouch alles aan om nao boete te gaon en te geneite van ’t prachtige waer. Frisje bloume waere in hoes gehaold en de geur van de lente kump van boete nao bènne. Op sjtraot zuuste verleifde köppelkes erm in erm wanjele, ein opa en oma peune zich innig op ein benkske terwiel ’t hundje zien peutje opluch taeghe ’t päölke d’r naeve. De blaedjes kómme aan de boum, ’t gruiende graas kriebelt in de naas. De lóch sjitterend blauw, ich sjnoef ze op: snnfffff. De veugelkes fluite ein vrolijke millodie

En dan vuil ich ’ne dröppel, eine dröppel op mien naas. En nog eine, en nog eine, ’t Geit raegene.

Och jao, ’t is lente. Lente in Nederlandj.

Door: Anne

Rubriek: modeplisse



Dees maondj in de rubriek mode: *Wim Clerx*, de mand dae zo gaer Wethawter van Kultuur zou wille waere. Aanwezig zeen op allerlei feeskens, evenemente en dat dan ouch nog in funktie. Dat is nao Wim’s verloupe prinsedruim toch waal ’t gein wo hae ’s nachs goud van kènt sjlaope. Mer is Wim op basis van zien kleiaasj waal die ideale Wethawter van Kultuur?

Wim geit dèks gekleid in ein kestuum mit zien favoriete kleure zeen beige en leich gries. Dao ónger dreeg hae ein blouse van regular fit mit ein patroon en dao op de kravat mit mee kleure ès op ’n gemiddeld paosjei van de Albert Hein.



Mer wie heurt eine Wethawter eigelik gekleid te gaon? Es modeplisse dènk ich dat ein pak op maat, bie veurkeur zjwart of zeer donker broen (taeghe zjwart aaf), van Italiaanse sjnit häöm baeter zou sjtaon. Dao ónger ein blouse (slim fit, of baeter gezag Wim fit) in ein sjoon blauw kleur mit ein kravat in ’t zeer donker blauw. Aevel, ’t modebeeld van de Wethawter is de afgelaope jaore toch waal verloederd door nemes minder es de huidige Wethawter van Kultuur *Colberry* van Rijswijk. Waat dat betruf sjeit Wim dao nog gans wiet vanaaf! Helaas veur Wim zal daarom ziene druim om Wethawter van Kultuur te waere waarsjenlik zo eindige wie ziene prinsedruim...

Eindsiefer voor oze Wim: 7-

(veur zien glansriekie köpke ;)

Door: Anne

Kènjerrévu

Noa drie joar is het dan eindelijk zo wiet, weier ein nuuje kenjerrevu. Yes ,dach ich, eindelijk mien grote kans. Ich wou meteen audissie doon. Ich bedoel, ich zeen d'r nog oet wie ein jóngk blómke. Dao naeve vuil ich mich soms jus ein kèndj van 8. Mien oetsjpatting mit de vastelaovend bewieze dat waal. Gein probleem dus, zou ik dènke. Mer helaas koum aan mien theatercarrière gauw ein ènj. Wit geer wat ze zachte? Ich waar te auwt. Te auwt?!?!?!? Dat is waal zo ongeveier 't ergste waat ze taeye ein vroumesj kèns zègke. Dus jao, wat deiste dan.....? Oppe bank zitte mit ein groot pak kuikskes van sjoklaat. Bie de kènjerrévu hauwe ze toch mitlieje mit mich. En oeteindelijk koume ze mit ein veursjtél. Of ich eindregiseur wou waere? Ich moosj waal effekes noadènke. Ich höb toch zo mien 'trots'. Mar oeteindelijk höb ich de kuikskestrommel opgeborge en höb ich joa gezag. De afgeloupe waeke höb ich flink mòtte zjweite. Rippetieses, decors, kleijaasj. Ich höb alles gezeen. 'T zuut 'r super oet. Alle luuj achter de sjirme höbbe kei hel gewirk. Wit geer trouwes wo de revu euver geit? Nei, dat kènt ech neit. Ich dach dat geer alleney al kaertjes had. Nou, veur dees keer dan zal ich 't ich effekes vertèlle. Goud oplètte. 'T geit euver Marco Polo. Hae geit op reis en belaeft in China onmuigelikke dèngers. Alles liek waal ein sjpreukske. Mee kèn ich neit vertèlle. Kòm kieke zou ich zègke. De kènjers van de Zittesje basissjoole haole veur uch alles oet de kas. En natuurliek in ós prachtig Zittesj dialek. Zörg d'r dus veur dat geer kaertjes höb. Sjrief 11 april 2010 groot in de agenda. Dit kènt geer neit misse!!!!!!!!!!!!!!!!!!!!

Door: Marjolein

Sensation white – Hasselt

“De Vlemkes zeen op zuik nao sensatie”

Ouch boete 't seizoen zeen d'r Vlemkes die op zuik gaon nao sensatie. Al teen jaor wurdt 'r in de Amsterdam Arena Sensation White & Black gehauwte. 40.000 luuj gans verkleid in 't wit of 't zwart, die oet hun daak gaon oppe meziek. Anne, Amy en Joyce T. koosjte neit wachte pès juni, dus zeen ze mer nao oze zuiderbure gegange. 2 Weekende langk waare de Ethiashalle in Hasselt omgeboewd óm de feestgengesj te entertaine. Van elf pès zös oere “knalle”, so wie oze Prins dat zo sjoon zaet.

Väöl luuj höbbe op zien feeske ein of zelfs mee pilkes neudig om de nach door te kómme, mer veer Vlemkes höbbe al genóg paeper in de vot om tot in de late oere door te feeste!

Waal wille veer uch aeve get tips gaeve, wie geer kènt zeen of eine get sjtimuleirende middele gebroek haet om de aovend door te kómme.





Nuutsbreif 4 2010

- De ouge waere meital bedek mit eine zonnebril (nei, Joyce haet niks gesjlik :D)
- Kauwgom, lollies of ein OLA raketje zeen goud taege 't tandenknarse
- De vrouluuj kieke op 't eind van de aovend hun ouge oet, went bienao alle mansluuj loupe dan mit ontbloot baovelief :P
- En ze sjtaon van begin pès ènj te sjprènge, danse en gek te doon

Veer hóbbe in jeder geval genaote, die belsje kènne d'r get van.

Pès volgend jaor!

Door: Joyce T. en Amy

Óngerwerpe nuutsbreif 5

In de nuutsbreif 5 kènt geer ónger angere laeze euver:

- * Keuninginnedaag
- * Rubriek Modeplisse
- * En nog mee, en nog mee, en nog vääöl mee!!